



# Tir Yimyim

www.tiryimyim.in

Regd. No. RNI. NAGAAO/ 2004/13113. Postal-NE/RN-717.

e-mail : tiryimyim@gmail.com

**TAPAK 3** Yangia anidakangma : Tir Yimyim tiryimyim@aolima tir yimyim **TAPAK 7**

ISRO scientist, Lalithambika nem France  
nunger tematiba sempet agütsü

Donald Trump melentsü  
atema Koch-i Nikki Haley bhukumer



VOL. XXI NO. 54 (ADOK 54) DIMAPUR ROGONÜ (FRIDAY)

LUCHII (DECEMBER) 01, 2023

₹ 5.00

## Nagaland Angh-i Statehood Day nung nüburtem ayongzüker

**Dimapur, Yimpoksü/Nov. 30 (TYO):** Nagaland state ngur küm 61 ajungba benjompung nung ajak dangi salem abener. Ibai tongtipang alizüng ka lir, aser iba anogo asenoki akhi mapang aser arok mangdang bilemteter, ta Nagaland Angh, La Ganesan-i 61st Statehood Day nüngtem nung salem o lemsatepba sangdong ka nung ashi.

Küm 60 süyigo, iba anogo nung asenoki pei sasa ketdangsüa alitsü tenzükba ajanga Nagaland ya sobaliba aser jenjang tulu aliba state ka akumtsü lenmang lapok, ta pai ashi.

Asenoki mezüngpur aser Nagaland indang lenirtem nem tenüngsang agütsüla, Parnoki nüklä tajung yur shilem tajung agiba ajanga tanü asen state iba jenjang nung lir. Asenoki par mangdang tem tanaben asendenshidang asenoki parnok bilemteter aser parnok mapa tajung asenoki nüma danga aser tejak tenteta bener jajatsüla. Parnoki aginüba ama asenoki yimjung, tesunep, terenlok aser tejakleni oa litettsü teimla lir, ta Nagaland Angh-i ashi.

Asen state anguba sülen takok balala agi sünger lia arur aser ibaji Naga nunger shia tanüla den mesüktepa lir. Maongka balala adokogo, ki o jen yangluogo, aser nüburtem takum tajungba kumogo. Ajisüaka Nagaland tesunep aser yimchi-yimjung nung alitsü senso ajak dak keta lir. Asenok ajaki tongti shilem agütsüla aser asenok lungjemer tarutsü tia yangertsüla aser yangji asenoki tejak tenteta shilem agütsüla, ta ashi.

Asenoki temulungtetba tulu

## AKM ketdangsür ki meita bushiba lokti tentet balalai aitsür

**Dimapur, Yimpoksü/Nov. 30 (TYO):** Ao Kaketsir Mungdang (AKM) ketdangsür ka kidangi November 28, 2023 aonung 8:30 ako meta mejangjaba nisung pezü temelaba makai aita ki meita bushiba aitsür, ta AKM sangdong ka ajanga ashi.

Item nisung pezü ya sü agi tejak zübanger AKM ketdangsür indang ki telungi aita yi yua lir ta tiazü kuli amer ki meita bushiba aser parnoki senotsü/senti oset ayuba tesemtem (vault safes) dena kaka bushiba liasü.

Yi tenüng amer iba amala tesem dena kaka bushiba yimya ya kangasa tim masü, ta AKM sangdong ajanga ashi.

Ajidang amasü ano parnok rongnung kati hadir agiteta

Regd. No. RNI. NAGAAO/ 2004/13113. Postal-NE/RN-717.

e-mail : tiryimyim@gmail.com

CM Rio-i corporate houses dang NE nung sen indoktsü ayongzük

## Regional CXO Meet 2023

HOSTED BY NAGALAND STATE RURAL LIVELIHOODS MISSION

Date:  
30th November 2023

Time:  
10:00 AM

Venue:  
Noune Resort, Seithikiema, Chümoukedima, Nagaland



**Dimapur, Yimpoksü/Nov. 30 (TYO):** Nagaland Chief Minister Neiphiu Rio-i corporate houses dang state aser northeast region nung arua senotsü indoktsü ayongzük aser maparen balala nung senotsü indoker (investor) asoshi maongka peria lir ta ashi.

Brehostibarnü Noune Resort nung Nagaland State Rural Livelihoods Mission ajanga ayongzükba North East Regional CXO Meet sentong nung jembidang, northeast region ya kidangr Southeast Asian linüktem asoshi kishi amai lir aser yagi pei unit amenokba ajanga company balala tajangzük alitsü, ta CM Rio-i ashi.

Deen Dayal Upadhyaya Grameen Kaushalya Yojana (DDU-GKY), Ministry of Rural Development kubok iba senden asoshi mapa agütsürtem adenshiba ajanga Government of India indang 'Act East Policy' nung tashi aittsü, ta ashi.

Jangra aliba investors ajunga

atema sapang tajung agütsütsü asoshi state sorkari nüngdakba mera ajak agitsü, ta pai ashi.

Yimdak-yimtsüngtem nungi lanurtem mapa shia meteta private company tem nung mapa inyaktsü jangrar tali kumogo, kechiaser north eastern states timba sorkar mapa nung metaloker alir aser sorkar mapa nung nübu shimoktsü teimla maka kumogo, ta ashi.

Northeast nung aliba lanurtem dak sempet balala lir aser maongka dang agütsüra parnok nem nungloksüba mapa takok ngua inyaktettsü, ta Nagaland Chief Minister-i ashi.

Yangi adenshia aliba company tem nung Northeast region nungi lanurtem mapa nung anioka lir, anungji parnok nem mapa agütsüba tajangzük indang jembitsü nüngdak madoker, kechiaser nenoki ajak meteta lir, ta pai ashi.

Iba sülen pai lanur 100 indang 'success stories' saya liasü, shirnok sector balala nung mapa

inyaker.

Joint Secretary, Rural Skills, Ministry of Rural Development, Karma Zimpa Bhutia ajanga iba sentong nung ashiba agi, North East nung state ti nungi training agir aliba candidate 1,08,935 nungi mapa angur nisung 60,419 lir aser aji shilem 55 dang lir.

Iba ama sentong ya ayongzükba ajanga ecommerce, renewable & green energy amala upcoming market demands nung takotet lanurtem anioikba nung yaritsü, ta pai ashi.

DDUGKY kubok Police Department den lungjemer Delhi nung Migration Support Centre takok ngua amenokba state ishika rongnung NSRLM Nagaland ya ka lir aser iba yagi yimdak-yimtsüng nungi oa mapa inyakba lanirtem yarir, ta ashi.

Northeast nung aliba lanurtem DDUGKY nungi teyari peria agir aser sustainable employment agütsüba nung maneni yaritsü, ta paisa ashi.

Iba sentong nung alakteta jaoker ama Commissioner & Secretary, Health and Family Welfare, V Kezo-i jembidang, department nung teinyaktsü mapa jenti lir aser itemji NIDA züngsemtem lungjemra department-i state nung health care delivery system nung temelensi tulu arudaktsütsü, ta ashi.

Department asoshi tajangzükba aliba maparen balala rongnung mezungbuba medical college aser basic infrastructure agi anüngba ya lir, aser itemji tajangzükba kumdaktsütsü asoshi ajaki bilemtsüla, ta pai ashi.

Department-i COVID pandemic mapang frontline healthcare agütsürtem jangjateta Independence Day aser Republic Day mapang Governor's Award agütsütsü asoshi tenüng bendener agütsütsüla, ta pai ashi.

(Maneni tapak 8 nung...)

## Govt. doctor tem office mapang mapa shidak inyaktsüla: Dr Thutso

**Kohima, Yimpoksü/Nov. 30 (TYO):** State nung aliba government doctor temi office mapang service tajungtiba agütsütsüla aser mapa malidang parnok mulung südaktsütsüla, ta MLA Dr Tselhoutuo Rhutso-i ashi.

Nagaland In-Service Doctors' Association (NIDA) pur Brehostibarnü Hotel Japfu, Kohima nung annual conference cum general body meeting alidang Non-Practicing Allowance (NPA) agiba in-service doctor tem dang jurila mozüki nung mapa meinyaktsü atema state sorkari totuyuba agütsüba dak sendakba nung kongshia Dr Rhutso-i iba o ya ashi.

State nung medical college mezüngbuba lapoka aser health care facilities tajungba agütsüba asoshi state sorkar aser health department nem pai tenüngsang agütsü, ajisüaka tajungba nung kettang asütsü aser sayutsü atema medical college indang dean, director aser chairman post tem balala lemsatsüla aser nisung ka kijai post asem tashi mabentsüla, ta ashi.

NPA agiang tagi, NIDA züngsem temi office mapang health care service tajungtiba agütsütsüla, saka office mapang temer pei clinics, private hospital mesüra danga tesemtem nung

Paisa doctor tem dang 'tribalism' samadaktsütsü aser pei mapa tajung ajanga nübur nem service agütsütsü ayongzüka

inyaktsü par mulung liasü.

Iba nung legislator ka ama nia bhukuma nokdaker, ta Dr Rhutso-i ashi.

Pai health care agütsür, talisa Chief Medical Officers tem dang service rule nung aliba ama transfer aser posting pelashishia agizüksüla aser pei posting tesem nung alitsüla, ta ashi.

State nung medical college mezüngbuba lapoka aser health care facilities tajungba agütsüba asoshi state sorkar aser health department nem pai tenüngsang agütsü, ajisüaka tajungba nung kettang asütsü aser sayutsü atema medical college indang dean, director aser chairman post tem balala lemsatsüla aser nisung ka kijai post asem tashi mabentsüla, ta ashi.

Department asoshi tajangzükba aliba maparen balala rongnung mezungbuba medical college aser basic infrastructure agi anüngba ya lir, aser itemji tajangzükba kumdaktsütsü asoshi ajaki bilemtsüla, ta pai ashi.

(Maneni tapak 8 nung...)

inyaktsü par mulung liasü.

Iba nung legislator ka ama nia bhukuma nokdaker, ta Dr Rhutso-i ashi.

Pai health care agütsür, talisa Chief Medical Officers tem dang service rule nung aliba ama transfer aser posting pelashishia agizüksüla aser pei posting tesem nung alitsüla, ta ashi.

State nung medical college mezüngbuba lapoka aser health care facilities tajungba agütsüba asoshi state sorkar aser health department nem pai tenüngsang agütsü, ajisüaka tajungba nung kettang asütsü aser sayutsü atema medical college indang dean, director aser chairman post tem balala lemsatsüla aser nisung ka kijai post asem tashi mabentsüla, ta ashi.

Department asoshi tajangzükba aliba maparen balala rongnung mezungbuba medical college aser basic infrastructure agi anüngba ya lir, aser itemji tajangzükba kumdaktsütsü asoshi ajaki bilemtsüla, ta pai ashi.

(Maneni tapak 8 nung...)

inyaktsü par mulung liasü.

Iba nung legislator ka ama nia bhukuma nokdaker, ta Dr Rhutso-i ashi.

Pai health care agütsür, talisa Chief Medical Officers tem dang service rule nung aliba ama transfer aser posting pelashishia agizüksüla aser pei posting tesem nung alitsüla, ta ashi.

State nung medical college mezüngbuba lapoka aser health care facilities tajungba agütsüba asoshi state sorkar aser health department nem pai tenüngsang agütsü, ajisüaka tajungba nung kettang asütsü aser sayutsü atema medical college indang dean, director aser chairman post tem balala lemsatsüla aser nisung ka kijai post asem tashi mabentsüla, ta ashi.

Department asoshi tajangzükba aliba maparen balala rongnung mezungbuba medical college aser basic infrastructure agi anüngba ya lir, aser itemji tajangzükba kumdaktsütsü asoshi ajaki bilemtsüla, ta pai ashi.

(Maneni tapak 8 nung...)

## Rio-i Chumoukedima nung Unity Gate semzüktsü

**Dimapur, Yimpoksü/ November 30 (TYO):** Nagaland Chief Minister Neiphiu Rio-i November 30 nü Chumoukedima nung Unity Gate semzüktsü. Chief Minister Neiphiu Rio tawabangba kubok iba project inyaktsü atema NPWD National Highways nem nonglokja liasü.

Sentong nung o jembiba mapoang Rio-i, lenmang nung kecha tetsükdaktsü madokdaktsü aser NH 29 bridge road ajanga Dimapur 4 lane road by pass temulung dang yur iba gate ya lenmang nung masü saka nüngküm nung yangluogo, ta ashi.

Paisa, Naga nunger sobaliba dak ajemdaker yangluba gate nung sobaliba design, motifs keta lir aser "Welcome to Hills of Nagaland" ta zülua lir, koba Unity Gate ajatsü kanga temsüa lir, ta ashi.

CM-isa, Unity Gate ajanga Naga nunger tem longjemdaktsü aser telongjem asoshi ajungmesotsü, yimjung nung alitsü aser inyakyim tasentem wazüka ayutsü imlabia lemsatepa liasü. Pai, contractors, consultation, department of NPWD,

Government agencies aser local lokti tentettem aser NHIDCL dang kanga pelaba lemsatep.

Maneni pai, ajak dang unity Gate ya anepalutsü mepeshi, kechiyong iba ya Nagaland nung aliba nüburtem atema dang masü saka bendang lima aser India kubok state balala nunger arurtem ajak meyong lir, ta ashi. Paisa, local tem, lanurtem aser Chumoukedima nung aliba nüburtem dang iba tesem mereka ayutsü aser alima penzürtem mongjen ka kümdaktsü mepeshia liasü.

Rio-i, Unity Gate temeket nung food court, cafe, toilet blocks amala yanglutsü aser iba tesem teti sangwa toktsütsü atema high mass light ka intoktsütsü asoshi tebilemba aliba lemsatep.

Pai ashiba agi, ali kibur den ken o lemsateptsü aser parnok nem temenok agütsütsü aser tanungbaji public utility atema amshitsü. Iba tesem terenlok asoshi nükjidong aliba ajanga lanur entrepreneurs tem nem mapa inyaktsü asoshi maongka agütsütsü, kong parnoki parnok indang local osettem, chiyongtsü, coffee amal yoktetsü, ta pai ashiba den ajak dang tebilemdangba tasen

benoktsü aser iba atem inyaksangshitsü ayongzük.

Kasa mapang nung Chief Engineer NPWD (National Highways), Er. I Tiameren-i technical report agütsüba mapang, Nagaland nung aliba nüburtem takar sobaliba aser inyakyim dak ajemdaker iba gate ya design süa yangluogo, ta ashi. Gate ya süklep 55 talang, süklep 12 tulu aser anünglen süklep 56.5 ajungketa yanglua lir.

Iba gate yangluba nung sen lakh 180 intok, koba M/S Chabou & Co-i yanglu aser Home consultant ji M/S Paragon Prime liasü aser Executive Agency ji PWD (NH) Kohima Division liasü.

Iba gate lapokba sentong ya Commissioner & Secretary, Works & Housing Department, Kesonyu Yhome, IAS lenisüba nung agi aser Vice President, Nagaland Joint Christian Forum, Rev. Dr N. Paphino-i bendanga agüja sarasadema liasü. Maneni Angami Public Organisation tir, Razouvoto-i salem osang lemsatep. Iba sentong nung Minister tem, Advisor tem, HoD tem, sorkar tenzükertem, lanur lokti tentet, GB tem aser local ketdangsürtem shilem agia liasü.

## Abu Metha-i Kisama nung 'Bee & Honey Trails' tenzüktsü

**Dimapur, Yimpoksü/ November 30 (TYO):** Advisor to Chief Minister aser Investment & Development Authority of Nagaland (IDAN) mendenbuba Abu Metha-i, November 29 nü Kisama, Heritage Village nung Mima yimtsüng indang 'Bee & Honey Trails' tenzüktsü. Iba sentong ya Nagaland Beekeeping & Honey Mission

(NBHM)-i ayongzuka agia liasü.

Sentong nung o jembiba mapang Abu Metha-i, ninang mojitzü ta meimchirtem nem Tsüngremi agütsüba sempet ka lir ta ashi. Ninang mojitzü ya küm meyirejang aika ayuyonga meraksar.

Paisa, ninang yagi asenok chiyongba nung tongtibang shilem agiba dang masü saka

ninang yagi alima tzümpung liromedema toktsür, ta ashi.

Maneni pai, Nagaland ya alima nung biological hotspots tem rongnung ka lir ta shia, rongsenketzung atema dang masü saka asen lima tzümpung wazüka ayutsü asoshi ninang metzüba inyakyim wazüka ayutsü koda tongtibang iba indang lemsatep.

## CM-i Statehood Day nung NDRR Roadmap amenoktsütsü

**Dimapur, Yimpoksü/ November 30 (TYO):** Disaster Risk Reduction (DRR) aser Disaster Resilience ya Sustainable Development tamendakdak lir aser iba yongji Ato Kilonser Narendra Modi-i DRR 2015-2030 aser Sustainable Goals dak sendakba nung Sendai Framework dak ajemdaker Disaster Risk Reduction (DRR) atema onük 10 agütsügo. Iba sentong ya kanga

tongtibang ta angateta Chief Minister Neiphiu Rio mendenbuba sur Nagaland State Disaster Management Authority-i UNICEF teyari nung Nagaland Disaster Risk Reduction (NDRR) Roadmap yangluogo.

NDRR Roadmap ya Nagaland sorkar kubok line department 33-i state indang Sendai Framework and Sustainable Goals ajangettetsü atema 2023 nungi 2030 tashi

nung benoka inyaksangshitsü.

Sorkar kubok line department 33-i yangluba thematic action plan tem ya Centre-i senotsü teyari agütsüba Scheme shilem 15 agi nongita yaritsü.

Nagaland state anguba anogomung 61buba December 1 nü amungba mapang Chief Minister aser NSDMA mendenbubai NDRR Roadmap indang thematic action plans amenoktsütsü.

## Advisor Ikuto-i Cafe Hornbill semzüktsü

**Dimapur, Yimpoksü/ November 30 (TYO):** Advisor, Department of Land Resources G Ikuto Zhimomi-i November 29 nü Advisor to Chief Minister aser IDAN mendenbuba Abu Metha matsüngdang Cafe Hornbill lapoktsügo.

Sentong nung o jembiba mapang, Nagaland CM Rio lenisüba nung Hornbill Festival kanga meraketa ayongzuka amungba atema tenüngsang agütsü, koba alima nung benjung nüngtugutem rongnung ka kümogo ta ashi.

Advisor-isa, Hornbill benjung ya sobaliba sentong ka

dang masü saka state atema industry tulutiba kümogo, koba ajanga mapa inyaktsü asoshi maongka agütsüba den tanga tajangzüka agütsür, ta ashi. Paisa, lanurtem dang aluyimba nung temulung agütsütsü aser modernized farming nungi marketing level tashi coffee entrepreneurship nung temulung agütsütsü ajungshia liasü.

Kasa mapang nung Advisor to Chief Minister aser IDAN mendenbubai Abu Metha-i, anogo 14 tsüngda project cafe hornbill tembunga yangluba atema Architect Richard Belho aser par team nem tenüngsang

agüja liasü. Pai ashiba agi, Hornbill benjung ya taoba mapang ama masü saka state sorkar teyari nung temaba jenjang tuogo, ta ashi. Abu-isa, Nagaland Coffee ya Nagaland indang brand ambassador kümogo ta ashiba den Nagaland nung adokba coffee ya international jenjang nung taliba jangja akümtsü imla ataba lemsatep.

Café lapokba sentong ya Commissioner & Secretary, H&FW, V. Kezo lenisüba nung agi aser Director, Land Resources, Albert Ngullie-i tepela o jembiba liasü.



AO SENSO TELONGJEM DIMAPUR INTI MUNGANG (TELONGJEM ASER TERENLOK)	
Anogo : 02.12.2023	Mapang : 10:00 am
Tesentepdak : Senden Riju	
1. Menden	: Ketangpurtem
2. Sarasademtsu	: Rev. Temsu Jamir, President DAABF
3. Temeja Ken Ka	: Dimapur Watsu Telongjem i/c Ketangpurtem
4. Telok Pela Agizukba	: Wb. Meren Nokpu, Tir ASTD
5. Tayongzukba O	: Wb. R Nochet Changkiri (10 minutes)
6. Osangtem agitsu	: (i) DWT (ii) DALT (iii) AKTD (iv) ASTD (v) Old Naga Cemetery Construction Committee (vi) Audit (vii) Nungtet Luden Osang
7. Tepela O	: Wb. Lanuzulu Aier, General Secretary DZAOT (5 minutes)
8. O Lemtetba Mapang	
9. Tejen Tasen Melenteba Mapang	: Wb. Imlisashi Nungtet Luden Tayonger
10. Yimsusur Tasepur Atema Mejeta Sarasademtsu	: Rev. Wati Kichu, Pastor DABA
11. Tasepur Nungi Tepela O	: Tasenba Tir
12. Tanener Nungi Tepila O	: Tir, ASTD
13. Melepzung O	: Wb. Kayang, Sanen Luden Member
14. Tatem Sarasadem	: Wb. Jongshimanen, Mission Director DABA

### TEMETETSU

- \* Iba anogo Senden arur Aotsür Aor ajak asen Aor ayak subor arutsü metetdaktsü.
- \* Iba senden takok angutsü asoshi ajaki sarasadema atadi.

## Angh La Ganesan-i IEC Van tenzüktsü

**Dimapur, Yimpoksü/ November 30 (TYO):** Nagaland nem agütsütsü nükjidong nung tenzükogo.

Kasa mapang nung Kohima Bharat Sankalp Yatra indang IEC DC-i ashiba agi, Information, Education, and Communication Van tenzüktsü.

Sentong nung o tatsüka jembiba mapang Angh-i ashiba agi, iba ajanga sorkar scheme balala indang tangazükba tali agüja nüburtem aser terenlok maparen balala ajangzükdaktsütsü. Paisa, Viksit Sankalp Yatra sentong ayongzükba atema tayongertem dang kanga pelaba lemsatep, koba Ato kilonser Narendra Modi lenisüba nung benokba scheme balala ajanga tajangzük agütsüba aser item ya koda apply asütsü Governor aser tanga ketedangsürtem shilem agia liasü.

# Centre sorkari PMGKAY scheme ano küm pongu atsülangtsü

New Delhi, Yimpoksiui/ November 30 (Agencies): Coronavirus wara mapang nung 2020 küm April ita nung Central sorkari Pradhan sorkari Pradhan Mantri Garib Mantri Garib Kalyan Anna Kalyan Ann Yojana (PM-Yojana (PMGKAY) scheme GKAY) tenzüka liasü. Iba scheme tenzükba nükjidong ya wara mapang nung kanga sensaker kibongtem nem teyari agütsütsü nükjidong nung tenzük.

Iba scheme kübok January 1, 2024 anogo nungi tenzükka nütsüng crore 81 nem ita shia jang seret pongungu (5) angati agütsütsü. Iba scheme kübok January 1, 2024 anogo nungi tenzükka nütsüng crore 81 nem ita shia jang seret pongungu (5) angati agütsütsü.

Union Information & Broadcasting Minister, Anurag Thakur-i, tesüiba küm pongu tsüngda India nunger crore 13.50 shi kanga sensak tia nungi anitetogo, ta metedaktsü.

"Iba ya Narendra Modi-i aniba sorkari inyaktetba tuluka lir," ta Thakur-i ashi.

"Antyodaya Yojana ya January 1, 2024 nungi tenzükka küm pongu atsülangtsü. Iba scheme kübok kibongtem nem ita shia jang seret pongungu agütsütsü," ta Union minister-i metedaktsü.

PMGKAY kübok Centre sorkari Antyodaya Anna Yojana (AY) kibongtem aser Priority households (PHH) beneficiaries nem ration angati agütsür. Iba scheme ya mezüngbo January 1, 2023 nungi küm ka atema benok aser tesüsa December 31, 2023 anogo tashi atsülangtsü.

Union Budget 2023 nung Union Finance Minister, Nirmala Sitharaman-i, Centre sorkari 2023 küm piyong atema PMGKAY kübok sen 2 lakh crore indoktsü, ta sangdonga liasü.

PMGKAY atema temsüa aliba kibongtemji Antyodaya Anna Yojana (AY) aser Priority Households (PHH) categories nung alirtem lir. PHH kibongtem ya State Governments/Union Territory Administrations-i telatetba kar nung ajemdaker züngsemer aser AY kibongtem ya Centre sorkari latetbjä aliba telatetbatem nung ajemdaker States/UTs-i shimmer.

## ISRO scientist Lalithambika nem France nunger tematiba sempet agütsü

Bengaluru, November 30 (Agencies): Indian Space Research Organisation (ISRO) scientist aser taoba mapang ISRO nung Directorate of Human Spaceflight Programme Director, V R Lalithambika-i India aser France na tsüngda space tsütsü amalitepa inyakba nung tongtibang shilem agiba atema France sorkari la nem France nunger tematiba civilian award- 'Lgion d'Honneur' agütsügo.

Bengaluru nung France sorkar tenüng nung Ambassador of France to India, Thierry Mathou-i la nem iba sempet agütsü.

New Delhi nung tamalen tangokba noksa ka nung ya Ato kilonser, Narendra Modi-i taoba mapang US Secretary of State, Henry Kissinger a j u r u d a n g tangokba angur. Kissinger Bodhbarnü alima nungi pilaogo. Pa arrshi küm 100 liasü.



### PROGRAMME FOR CELEBRATION OF

## 61<sup>st</sup> Statehood Day

AT NAGALAND CIVIL SECRETARIAT PLAZA, KOHIMA

- |          |  |
|----------|--|
| 0850Hrs  | : Parade Review by DGP, Nagaland   |
| 0900 Hrs | : Hon'ble Chief Minister arrives, takes the General Salute and inspects the Parade |
|          | : Address by the Hon'ble Chief Minister  |

#### MARCH PAST

##### Parade Contingents

1. DEF Kohima
2. 1<sup>st</sup> NAP Bn.
3. 4<sup>th</sup> NAP Bn.
4. 5<sup>th</sup> NAP Bn.
5. 9<sup>th</sup> NAP(IR) Bn.
6. 12<sup>th</sup> NAP (IR) Bn
7. 15<sup>th</sup> NAP (IR) Mahila Bn.

#### BANDS

1. 15<sup>th</sup> NAP (IR) Mahila Pipe Band
2. Nagaland Police Auxiliary Brass Band
3. NPTS Brass Band

PARADE COMMANDER : Shri. Vikato Thonger, NPS, Dy. Comdt. 4<sup>th</sup> NAP Bn.

SECOND-IN-COMMAND : Shri. Khriesaviko Pienyu, NPS, Asstt. Comdt. 4<sup>th</sup> NAP Bn.

*Special Presentation by 15<sup>th</sup> NAP (IR) Mahila Band, finalist of India's Got Talent 2023*

Launch of Nagaland School Safety Policy Digital Training Platform & Nagaland Disaster Risk Reduction Road Map by the Hon'ble Chief Minister

#### CULTURAL PRESENTATION

1. From a distance : Smti. Esther Dailiam
2. We love Nagaland : LamGrace
3. Then sings my soul : NSS Music Club Choir
4. Cultural Troupes
  - a. Surgeon Society Chedema (Angami)
  - b. Tolu Area Sheko Khong Union Kohima (Konyak)
  - c. Pfushon zi (Rengma)
  - d. Benreu Students Union Dance Club, Kohima (Zeliang)

Inauguration of Exhibition on '60 years of Nagaland' (IPR Department) by the Hon'ble Chief Minister

The programme will be livestreamed at this YouTube link - <https://www.youtube.com/live/LzJ1IAPWVC4?si=M6dzHFy4XwxgxX8h>

Form No. 3

[See Regulation-15 (1)(a)] / 16(3)

#### DEBTS RECOVERY TRIBUNAL GUWAHATI

Suwarna Bhawan, House No. 12, New Town Path, Near Hanuman Mandir, G.S. Road, Ulubari, Guwahati- 781007 (Assam)

Case No.: OA / 328 / 2023

Iba Act nung section 19 kübok sub-section (4) nung ajemdaker jaoker, Debt Recovery Tribunal (Procedure) Rules, 1993 indang Rule 5 kübok sub-rule (2A) den azüngtsü akok.

Exh. No. 3797

#### BANK OF BARODA

- VS -

MRS. APALE

To,  
(1) MRS. APALE  
D/W/S/O- W/o Shri Jadav Saikia, House No. 360, E Khel, Doyapur Road, Toulaouma Village Dimapur Sadar Dimapur, Nagaland State, Dimapur, Nagaland- 797112.

(2) SHRI JADAV SAIKIA, CO-BORROWER  
Son of Shri Akon Saikia, House No. 360, E Khel, Doyapur Road, Toulaouma Village Dimapur Sadar Dimapur, Nagaland State, Dimapur, Nagaland- 797112.

JAOKER

06.11.2023 anogo nung Hon'ble Presiding Officer/Registrar matsüngdang OA/328/2023 benoka liasü.

Rs. 24,27,378.15/- sentsu hata iba Act kübok section 19(4) application nung ajemdaker na anema (OA) benoka Hon'ble Tribunal-i jaoker/notice agütsür (application den documents copies densema lir).

Iba Act nung section 19 kübok sub-section (4) nung ajemdaker defendants dang tekuboklen aliba tetuyuba agütsür:-

(i) Iba case defend asüremi tajaba agütsüba sulen anogo semer nü tsüngda relief asoshi mepisibaji kechiba magütsülsüla, iba kuliji sayutsü metedaktsü;

(ii) Original application nung serial number 3A kübok applicant-i shia aliba kiojen aser assets dak alia tanga kiojen aser assets sangdongtsüla;

(iii) Original application nung serial number 3A kübok shia aliba kiojen aser assets ayoktsü mesüra item kiojen atema inyaksangshitsü memelar;

(iv) Security interest atema inyaksangshiba dak alaka Tribunal dang nungi jelua temelba magii original application nung serial number 3A nung shia aliba kiojen mesüra tanga assets ayoktsü, lease asütsü mesüra tanga kecha inyaksangshii masütsüla;

(v) Ordinary business ajanga secured assets mesüra tanga assets aser kiojen nungi yokzükba senji security interest soita aliba bank mesüra financial institutions indang account nung deposit asütsüla.

Nü dang tezüla nung sangdong applicant nem agütsütsü tuyur aser 11.12.2023 anogo nung anepdang 10:30 ako nung Registrar matsüngdang arutsü tuyur, yamaji meinyakra application ji angadangtsü aser na meliaka telemeteba agütsür.

07.11.2023 anogo nung tsünglangen kü meyongnem den iba Tribunal indang seal agütsür:

Registrar,  
Debts Recovery Tribunal, Guwahati



# TIR YIMYIM

## YIMOBILEM (EDITORIAL)

DIMAPUR

ROGON

LUCHII 01. 2023

# Nagaland anogo

Tanü ya Nagaland state küm 61 buba anogomung lir. Nagaland ama petsaperong agi sünga aliba state ka asoshibo küm 60 tashi India telongjem kübok state ka ser arutetbaji takok tuluka asütsü. Nagaland kümber asortem asoshibo Nagaland akümba otsü ya pongpapongpar asütsüa akok, saka kodang India telongjem kübok Nagaland state akümba tensa tia aser tatalokba indang meteta kümdir, idangjibo Nagaland state yabo Nagaland akümertem zü agi alangzüka yutsüba state ka lir ta angatettsü. Atangji, akok ka asübo Nagaland ya India kübok masü ser British yimli den angatettepa aliba yimten yimli balaka ser ali tajungba süla saka makokji koda sütsü, tang asenok ket nung akaba Nagaland state ya tajungba kümä yanglushitsübaji Nagaland nung aliritem khuret asütsüla. Ajisüaka, tang kümteta aliba Nagaland state ya Naga nunger asoshi alima nungbo tatembangba telemtetba ta masü, tangar lima aser tangar yimten yimli melenshia aoba amaji tang aliba Nagaland yaa melenshia aotsü ana nung lir, kechiyong tang tashi Naga yimten nüchiso asoshi raraba tongpang manener aser Naga yimten tebilemtsü ken o a India den maneni jembidagi. Iba lagi Naga nungertem India kübok melinüba sayur. Atangji, Naga nungertem ya India nungerbo mesünütsüka, kechiyong kecha agia Naga nunger o India nungertem na memesüktep, ajisüaka India-i Naga nunger aginüba agi masü saka Naga nunger aliba tenem aser ayongtem ya aginüba agi balaka razüka moudaktsü südi ta bilemer. Aji oda, India kübok linüaka melinüaka, India temzung kübok Nagaland kümber küm 61 bubai mejaoker. Atangji, timtem aser mangatettep liaka Nagaland state kümber taoba küm 60 tsüngda Nagaland kanga renlokogo. Joko, tangbo yimtsüng ajak tonga, lenmang majungyonga, gari otetter, yimtsüng ajak nung, tanen maka magütsütetakasa, electric light lir. Tzü junga magütsütetyonga pipe line agibo yimtsüng ajak tonga lir, anepalur shitak maliyonga nübor aliba tesem ajaklen mozü ki lir aser tazünger maliyonga nisung aliba tesem ajak nung kaketreju lir aser tesayurtema peria shima lir. Anungji, taoba küm 60 tsüngda state kati inyaktsüba mapabo ajak inyakmaogo saka sensosangertem pei teinyaktsü meinyak saka meinyaktsüang inyaka peisasa tangar lar kümber aliba agi Nagaland yabo kibur maliba state ka amato kümdagi. Taoba küm 60 tsüngda Nagaland nung aliritem jangratema inyakba mapa kaji, Nagaland state akümba ya aitsüli election-i ili, Nagaland state akümba aitsüli election nung shilem agili ta Nagaland indang majung jembia dang Nagaland nungi tajangzük, temoatsü aser takok angutsü merangli ta asüba ya asütsü. Iba lagi , ashiko, asenok dak temoatsü mamonger asütsüa akok. Aji oda, tang nungibo kasa nisungi tanü ama Nagaland akümba anogo nung aser India nüchiso anguba aser temzung mapa kümä inyakba Republic anogo ama nung dang Nagaland state akümba indang tajung mejembii tanga anogotem nunga, junger süra, Nagaland state ajungba indang jembitsüla. Tetsüng külen Nagaland state nung ajemoka ayu aser ano tetsüng külen aremlen ajemoka ayu ta ser jajatsü merangertemji asenok lir. Iba lagi asenok ya India nunger senso asü mesüra Naga nunger yimten nüchiso bushir nübortem-ar mejangjar. Joko, tema nung alirtema aser telong nung alirtema ajak ka kümber Naga nunger jenjang tasen ka alangettsü merangtsüba dak alaka Naga yimten onük jembia election nung tokteper state government akümba agia Nagaland tajungba makümtsü aser Cease Fire Designated Camp nunga lia Naga yimten nüchiso indang jembabajia tangar kidang kilia o tululu jembia senzür amai dang asütsü. Atangji, Naga nunger shitakba taginübaji Nagaland masü süra, tanü ama Nagaland state akümba anogo nung ya Naga nunger asoshi tang akaba Nagaland state melena kechi tajungba asütsü ta bilemdanga yimten khuret abenertem shisalemsatep sentong avongzüka aka nunga aiungtsü.

# **OLEMSABANG**

## **Temiipangba Su Indoktsütsü Asoshi Yisu Khrista Alimai Aru**

**Mrs. T. Kikanaro Jamir, Sarathy Nagar, Vellore.**

2 Korint 3: 16 "Saka kodangsa nisung kati kibuba dangi meyipdir temiipangbaij agiziuka adoker."

Temiipangba suji tejenba putu tensa yimsu den medemdangra, Yisu Khrista alimai arubaji temiipangba Suji indoktsütsü asoshi aruba angutsü. Ano iba ya temulungjang meyipdaktsütsü aser lapokdaktsütsü asoshi Yisu dak tashi lir ta sayur aser iba inyakyim ajanga na aser ni tanula saktsü, taküm kümzüktsü maparen tuyur. Tejak memiipang tetezü asen temulungsentsü meruktettsüba, tanula tamang agi kodang Khrista ajurudir pa taküm sentswangshi menden tashi kotak atongtsü nükla sayur. Temiipangba su indoktsütsü nisüng dakbo tashi mali.

Mezungbuba nung asenoki Mosa aser ozüng tsüngda nung Tsüngremer tenangzüktepba jongkai atokba angur. Yamaji temipangba su ka Tsüngrem aser nisüng tsüngda nung liasü. Kong Tsüngremi Mosa taküm instrument ka ama amshiba yangi angur.

Mosa chuba kidang wazüka, kümzüka yutsübaji Tsüngrem tebelemba, sendong rong nung tulutiba ka asenoki angutsü. Saka Mosa kodang alima shisatsü nung tain aküm, Pai chuba sobutsü lozüka ayutsüsa aküm. Mosai pi identity aser tesentaktep tajung par nuburtem dang sayutsü merangdang. Aji suaka pa jena aotsüsang küma adok aser joko pa arempok nungjenoktsüsa aküm. Saka yangjia Tsüngremi pa bushi yonga aruba asenoki angur. Tsüngremi temaitsü ka Mosa dang sayu, aji Mi jangrua süngsem rong nungji poktetaktsü. Anungji Mosai koba tereprangtsü tuluji reprangi ao, idangji iba süngsem teyung nungi Tsüngremi pa den jembitsü tenzük. Tsüngremi Pei sasa temaitsü ajanga Mosa den jembi aser iba inyakyim ya Tsüngremer maparen (process) ka ken ka ken ta metetdaktsüba mapa liasü.

Temeim adianutem Tsüngremi nu nem nungloksüba wadang nungji takok, tamakok ajurua na arangshidaktsübaji Pai na putu ka mesura putu ana asoshi na ajaba ta belemtetangma. Anitet 3: 6 Ano Pai ashi Ni nu tsürabur Tsüngrem, Abraham Tsüngrem, Isak Tsüngrem, aser Yakob Tsüngrem. Aser Mosai pei tejak miim, kechiaser pai Tsüngrem dak reprangtsü tsübu. Aji suaka Tsüngremi pa sentsü melentsüba angudang Israel chirnurtemi Tsüngrem inyakyim mapa angatet. Kechiaser pa tajabaji alar tia nung aliba nuburtemanitetsü asoshi nungloksüba mapang liasü.

Saka kodang asenoki Isaia kaket nungji reprangdir Tsüngremi ochi pukemer shinga mangu, ochi laoa doker liasü anungji Tsüngrem jashia adokba yangi angur. Tsüngremi pi teka agi, Pai temeshiba ajungket aser pei ket agi pai tekümtet bener aru. Iba putu tensa ainkar liasü. Isaia 59:17 nung ya zülua lir. Tsüngremi pei sasa tuku semoktsü asoshi pai temeshiba sobu, aser pa kolak nung tekümtet merang korang, aser suoshi asoshi pai mangyangba su aben aser tema sepoktsü tejangraba sobua liasü. Kechiaser Tsüngrem ket nung Pa indang kaket liasü, Tsüngremi temenen tongpang nung raratsü asoshi temeshi Jong amer hon süngkümpeng nung noktaka liasü.

Ochi meyong Tsüngrem chir Khrista meimchir kümzüktsü asoshi angati sempet ka ama alimai renemteter yok. Yisui koba sobutsü sobur alimai alu iba tolaji tarmung makai, tema nungi tatem tashi tatakba liasü. Iba tetezü alima ajonga pa tapubang nung ajungketer aser arakmoka pa ain tashi agi bener iba alimai aruba sayur. Mati 1: 21 nung yamai shia lir. Lai jabaso ka asotsü, aser nai pa tenung yisu ta ajatsü, kechiaser pai pei pur parnok temenen nungi kümzüktsü.

Arung tembartem asenoki tasüita mulungsoa Pa dangi odi, asen mulungsentsü renemdi. Aseni alima mekokra Tsüngrem tsüngdang sentüsü lir ta belemdi. Joko Christmas tonga aruogo na aser nur kibong renema lirma? Senti mapang tajungtibaji na asoshi ya alitsü. Asen kümtetdakba Tsüngrem chir Yisu khrista asen mulungjang nung sodaktsüdi, asen mulungsentsü nung Pa Uludaktsüdi. Pa den sensaksemdi ,Pa yimzung chuba chir asen menen pongitsü asoshi pai renemer alimai aru. Asen mulungangi pa aitdaktsüra Pai na anitsü aser nu madang yimsu asütsü. Nai mulunger asü ? Yamaji temiipangba su indoktsütsü asoshi Yisu Khrista alimai arur. Na shirang yipden nung alidanga nai ola tila agi mepeshiba paj angashiogo aser langzüogo, belemdangkanqma.

Tekümtet jong Yisui nu madang tongloktsüba to nu kiyunger, tembar dang koli suangma. Koba lungkong pai metongmetonga yanglutsü iba indang kuli asütsü asoshi yisui na wazüka yutsü ta belemtettsüla. State ka nungi state ka ajanga na shirang yipden nung bener hospital ka nungi hospital ka, ain agi na aneptsüba Tsüngrem tashi nu den lir Pa tenung sangang. Na meyipa nur limai yokba, nu litsü, nur meshizüng nung nokdak daktsübaji tesüngmangtsü Tsüngrem taochi mapa ka masü no ? Alima meimchir ajaki tila kümer temokok ajak agi apudaka Yisu kulemdi aser pa tenzüksü mulungsoa lidi. Kechiaser Pai dang asen mulungjang nungi temiipangba su indoktsütet. Yisu dang shidi arung. Pa jangchi lung, mainshi lungzük titi tatem maka. Halleluya

A. Hanafi  
**AMEN**

**AMEN.**

## Tepuokdak alir Khristan ana nem Human Rights Awards agütsü



(Abelen nungi) Tran Van Bang, Y Wo Nie aser Le Trong Hung nunger noksa nung angur.

**November 30, 2023:** Tawa Vietnam Human Rights Network-i 2023 Human Rights award angutsüpürtem tenüng sangdongogo; iba award angutsüpürtem rongnung Vietnam nung tepuokdak alir Khristan ana densema lir, ta International Christian Concern (ICC)-i metedaktsü.

Vietnam Human Rights Network-isa Vietnam nung Communist sorkari meimchir temeden aser yimsü temeden anema inyakba report metedaktsü.

Taküm Human Rights award angutsüpür nisung asem rongnungji anabo tang tepuokdak alir Khristan ana lir.

Ibri 13:3 nung aliba Lai tekong lemsatepa Network-i Khristantem dang, "Shirnok talenba nung lir, parnok den alenba ama bilemtetang, nenok sasa ano temang nung aliba meteta reshikangshibatem dang bilemtetang," ta lemsatep.

Tang tepuokdak alir Khristan, Tr?n V?n Bang tang Bo La Prison Camp (Phu Giao district, Binh Duong province) nung lir. Taküm May ita nung pa küm 8 tepuokdak ayutsü obendang agüja liasü. Linük nung yimsü nung ajemdaker reshikangshiba anema pai raraba atema taoba mapang nunga pa aiben puogo.

Paisa communist ketcangsertem dang akhidang tsüraburtem meyong li meypa agüjang aser yimtenren tsütsü tepuokdak puoka alirtem ajak chiokang ta takhangba agütsü.

Taküm March ita nung pai linük anema inyakogo, ta tai tongloktsüba mapang nung pai, "Ochi atema kangki apotsü asoshi Tsüngremi ni shima ni Tsüngremi melungba amaji inyaktsü," ta metedakja liasü.

Ano Khristan, Y Wô Nie-a taküm May ita nung küm pezü tepuokdak ayutsü obendang agüja liasü. Pai yimsü temeden tim mesüi amshir aser linük anema inyaker, ta pa aija liasü.

Pa anema ken obendang agütsüdang pai, "Tsüngrem dang pelar" ta shia pai par Arogo aser par kibong nung tesünep atema aonung piyong sarasadema liasü. Y Wô Nien ya tang Xuan Phuoc, Phu Yen province nung aliba jail camp nung pua lir.

2023 küm Open Doors US

World Watch List nung alima nung Khristantem alitsü linük tamajungtiba 50 rongnung Vietnam ya jenjang 25buba nung lir.

Open Doors report ajanga, "Akhidang nungi aliba Khristantem (Roman Catholic Arogotem) yimtenren nung shilem magira temeden kar angur. Vietnam nung Evangelical aser Pentecostal Khristantem teimbaka house churches nung adener. Sorkar den loktii parnok dak tenük yoker aser bendangshidanga züngshir," ta metedaktsü.

Open Doors-i, "Khristan yimsü dangi meypertem aika H'mong lisopurtem lir, ibayongji ketdangsertemi parnok dak melung malemer. Khenkenbo parnok meyong ki raksatsür aser yimdak nungi meindoker, ajisüaka Khristan nütsüng kanga arener," ta metedaktsü.

Government Committee for Religious Affairs-i benokba ozüng tasen kar ajanga sorkari register süa aliba tamangba yimsü organizations anema taliba inyaktsüa akok, ta yaküm tekümdangtsü osang ka metedakja liasü.

Washington D.C nung 2023 International Religious Freedom

Summit aliba mapang nung Christian Post nungi osangbeneri Vietnam nung Catholic putir, Rev. Peter Nguyen Van Khai den jembia liasü. Iba mapang nungi Rev. Peter-i par linük (Vietnam) nung tamangba yimsü temeden tensa lemsatep.

Tang alima nung communist sorkar ishika dang lir aser Vietnam nunga tesüiba küm aika sorkari yimsü dak sendakba ozüngtem benoker aser register süa aliba yimsü dak sendakba organizations aser Arogotem inyaksangshi azüoker, ta Peter-i metedaktsü.

Rev. Peter Van Khai monastery ka nung azüngba sülen Arogo aika nung pastor inyak aser bendangleni oa theology zünga liasü saka communist sorkari pa putir akümtsü nokdanga liasü.

Pa küm 14 tashi theology & philosophy miima azüngba sülen ordain asü saka pa ordain asüba ajanga sorkari par kibong anema apuso.

Paisa, tangbo Vietnam nung Communist sorkari putirtem aser pastor tem mapur saka sorkari putirtem azüoktsü merangba ajanga tensa tamajungba kümogo, ta ashi.

tesayur inyakba den külemi Hamdallaye nung aliba Faith & Encounter Center nunga yaritepa liasü.

## ANOGO ABEN TSÜNGREM DEN

### Tezüleni aoba sarasadem tenla

Mathi 5:43-48

"Anungji, ajak dang tamasa asenoki Tsüngrem tetsübuba ajak nung, tesüngjem aser ajemalu..... sarasadem tenüngsang agütsütsü ni ajungshir"

(1 Tim. 1,2).

Tangar asoshi sarasadembaji Tsüngrem nem agütsüba tenla ka asütsü akok. Asenok mapa, asenok kibong, aser asenok temang asoshi bilemdang ibai amadoktsü kanga temela. Nüngdaktem Tsüngrem dangi bener arutsü jangjashitsü tenüngdaktsü. "Nenok shisabuluba ajak Pa dak yuang, kechiaser Pai nenok asoshi anebalur" (1 Peter 5:7).

Saka asenoki, pei atema bilemdang sarasadem teteyuba mamatokli. Ajak asoshi sarasademtsü sayu saka pei atema dang bilemdang iba nung tamakok aludaktsür. Saka alima arogo nung asenok shilem ka tabilemtetang, alima ajunga nung tamangertemten asenok Khrista nung telungjem kar.

Item rongnung aikati anemer ajurur aser rishikangshi asür. Asenoki alima ajak nung Pastortem, tesayurtem, missionarytem aser Khristan telok ajak asoshi sarasademi.


Ano sorkar tanishirtemi asoshi bilemtettsüla. Tanü parnoki kechi lemtetter aji asüng asoshi lir.

Kasaji asenoki asenok tsükchirtem bilemtettsüla. Parnok asoshi sarasademtsü Khristai sayu. Parnoki asen mang ayangba menüngdaker, asenok tesemba menüngdaker, saka asenok sarasadem parnoki nüngdaker.

Khrista asenok temenen asoshi asü. Pa dak amangba tamang ajanga asenoki tebu dangi aor. Asenoki ibai lapoka aliba kishi asenmeketa timtem nung alir aser nüngdakba pur atema sarasadema nung amshidi.

Kotak nung aliba Oba, alima nüngdak nung yaritsü onok amshiang. Khrista, onok kibur ajanga. Amen.

## Mali nung puer aoba Germany nunger missionary ka chiokogo



**November 30, 2023:** Küm ka tejaklen Mali nung puer aosang Germany nunger missionary ka chiokba sülen Germany-i meypa ogo.

Yaküm November 20 nü Mali nung Germany nunger missionary, arrshi küm 66, Hans-Joachim Lohre pua liasü. Pa Amongnù (November 26, 2023) chiokba sülen tayimtsü ka nung Germany-i ogo, ta Archdiocese of Bamako nung ketcangser katı metedaktsü.

Mali sorkar ketcangser ka den Arogo lenir anati Lohre chiokba osangji metedaktsü.

Lohre ji shirnoki puer aoar memet, ajisüaka ketcangsertem aser security agencies-ibo al-Qaeda den tesendaktep aliba Jama'at Nasr al-Islam telok dak melung malemer.

Missionary Lohre ya küm 30 dak tema Mali linük nung liasü. Pa Islamic-Christian Training Institute ka nung

tesayur inyakba den külemi Hamdallaye nung aliba Faith & Encounter Center nunga yaritepa liasü.

Mali linük yimtiba, Bamako nung tekülem sentong ka nung adentsü lia pa sama. Pa indang gariji par kima anena liasü.

West Africa kübok aliba Mali linük nung al-Qaeda aser Islamic State den tesendaktep aliba telok balalai nisungtem puer aoer aser kiralongra mapa inyaker.

Institute for Security Studies-i ashiba agi, 2023 küm June ita tashi nung Mali aser Burkina Faso nung telok balala nisung 180 dak tema puer ogo.

Alima nung Khristantem reshikangshiba linük tamajungtiba 50 rongnung Mali ya jenjang 17 buba nung lir (Open Doors' 2023 World Watch List).

Tesüiba küm 10 tsüngda northern Mali nung Islamic kiralongrar telok balalai Tenla ki aika rongdoktsüba den

külemi Khristan nütsüng aika meindokogo, ta Open Doors-i metedaktsü.

"Islamic kiralongrar telok balalai Khristantem densema nisung aika puer aoba sülen tepester, mesüra shi-azü jangratem atema alar ama ayur. Nisung karbo telok kar nung kangshia dendaktsür aser Islam yimsü dangi meypdaktsür," ta Open Doors-i metedaktsü.

2021 küm nunga Catholic putir ka den Khristan pezü puer ao saka tesülen chioka liasü.

2016 küm January ita nung Mali nung Al-Qaeda den sendaktep aliba Islamic Maghreb teloki Switzerland nungi evangelical missionary, Beatrice Stockli pua liasü aser 2021 küm April ita nung la tasümg nguteta liasü.

2012 küm mezüng Stockli puer aoba sülen anoga ter lir chioka liasü. Lar kinüngertem ashiba angaa lai Mali toktsür ao saka lai tanaben iba linuki oa liasü.

**AO OSHI ANGAZÜKDAK:**  
**TANÜ ANGAZÜKTSÜBA OJANG**
**Sensa**

- (v) shi lepsa ( cut meat into small pieces)  
 \* Benjong nungbo ajak kidang nashi ak sensaa amshir.

**Sensaker**

- (n) makamaiter, nüngdak peria makaba nisung (poor person)  
 \* Asen lima nungbo sensaker aikabo mali.

**OLONG PAITEP # 6630**

1		2		3		4		5
					6			
	7			8				
9								
10					11	12		13
14								
15		16						
17					18			
19			20					

**TIPLÉN**

- | <b>TIPLÉN</b>                 | <b>LANGTSÜNGLEN</b>              |
|-------------------------------|----------------------------------|
| 1. Chi kensitsü atema amshiba | 2. Langka asoshi - (6)           |
| - (7)                         |                                  |
| 4. A _ _ lang                 | 3. Temaitsü - (5)                |
| - (3)                         |                                  |
| 7. Nü den tambu               | 5. Tanur masü - (4)              |
| - (3)                         |                                  |
| 8. Teberem nung mesüba sü     | 6. Talang nung masü - (3)        |
| - (6)                         |                                  |
| 10. Ajitetter                 | 9. Mesük - (3)                   |
| - (5)                         |                                  |
| 11. Ken dang masü             | 12. Memesüktep - (6)             |
| - (5)                         |                                  |
| 17. Aria bilemba shisatsü     | 13. Rong tapu ka - (3)           |
| - (6)                         |                                  |
| 18. Aonung yimzüba ozü        | 14. Mesaklok - (5)               |
| - (3)                         |                                  |
| 19. Lemzük                    | 15. Ali telong nung enok - (4)   |
| - (3)                         |                                  |
| 20. Kilong nung telemsa       | 16. Atentsü asoshi mejembä - (3) |
| - (7)                         |                                  |

**OLONG PAITEP # 6629 TELANGZÜBA****TIPLÉN:**

- | <b>TIPLÉN:</b>                   | <b>LANGTSÜNGLEN:</b>                |
|----------------------------------|-------------------------------------|
| 1. Enyu, 6. Shin, 7. Yimkong,    | 2. Yim, 3. Tanü, 4. Shilem, 5. Ano, |
| 9. Tera, 11. Teberem, 12. Anem,  | 7. Yakta, 8. Kilem, 9. Tenem,       |
| 15. Senmang, 17. Tenü, 18. Anep. | 10. Amang, 11. Tenung, 13. Mela,    |
|                                  | 14. Ita, 16. Ain.                   |

**NAI-A YA METETTER MA**

Assam Chief Minister Himanta Biswa Sarma-i November 29 nü Amrit Brikshya Andolan kubok Assam nungeri inyaktetba mapatem asoshi Guinness World Records 10 agizükogo. Guwahati nung aliba Srimanta Sankardeva Kalakshetra nung certificate award ceremony agidang Guinness World Records ketcangsürtemi kulikakettem aguja liasü.

**Taküm September ita Assam nung otsü tasen yanglutetbatem:**

1. Longest line of potted saplings
2. Largest number of saplings distributed at one venue in 24 hours
3. Most trees planted by a team in 24 hours
4. Most trees planted by a team in 1 hour
5. Largest potted saplings mosaic
6. Most people planting trees simultaneously
7. Largest area to be covered by sapling
8. Largest photo album of people planting trees online
9. Most pledges received for an environmental sustainability campaign in 1 month.

**Manisha Padhi-i mezüngbuba tetsür Aide-De-Camp inyaker**

Mizoram governor Dr Hari Babu Kambhampati-i nü Aide-De-Camp (ADC) inyaktsü atema Squadron Leader Manisha Padhi shimdang agiba noksa angur.

Aizawl, November 30, 2023

Mizoram governor Dr Hari (Agencies): Indian Air Force Babu Kambhampati-i Raj (IAF) nung Squadron Leader Bhavan, Aizawl nung Manisha Padhi-i mezüngbuba November 29, 2023 nü Aide-De-Camp (ADC) inyaktsü atema Squadron Leader

**Sikkim nung tourists atema Lachung-Yumthang axis lapoktsür**

Gangtok, November 30, ya Lachen aser Lachung 2023 (Agencies): North

Sikkim nung District Collector-Cum-Magistrate-i December 1, 2023 nungi tenziuka tourist tem asoshi Lachung-Yumthang axis lapoktsüba sangdong nung tourist garitem Sankalang-Toong-Chunghang road nung metedaktsüogo.

October 4 nü Sikkim nung ajungben tzümetüsü lendong tulu atalokba sülen iba tesem shibanga aliba lapoktsü. Tzümetüsü lendong ajanga nisung 3,000 tema len tom nung anendaka liasü. Talisa parnok

District Collector-Cum-Magistrate-i tourist tem lapoktsüba sangdong nung tourist garitem Sankalang-Toong-Chunghang road nung convoy senzütsü shia lir.

Ajisüaka iba lenmang nung nikongdang 4:00 ako sülen tourist gari ka danga mesenzüdaktsütsü ta sangdong nung shia lir.

Travel Agents Association of Sikkim (TAAS) aser Tourism

**Myanmar nunger sepai 30 kidangi meyipa yokogo**

Imphal, Yimpoksü/i

November 30 (Agencies): India nunger ketcangsürtemi ano Myanmar nunger sepai 30 Manipur kubok arrtsü nung aliba Moreh jila ajanga kidangi meyipa yokogo.

Myanmar nunger sepai 30 ya Bodhbarnü par linüki meyipa yoka liasü.

Myanmar nunger sepaitem ya Myanmar nung pro-democratic rebel forces temi parnok indang camp amakba sülen Northeast India nung amenoka aliba Mizroam state-i jena aita liasü.

Parnok Mizoram nung Siaha district kubok Tuipang yimtüsü nung jenoker liasü. Chin state nung Motupi kubok parnok indang camp, pro-democracy force temi amakba sülen parnok iba yimtüsü nung jenoker liasü.

Manipur nung jenoka aliba Myanmar nunger ajak sentepe 1400 shi jungogo.

Myanmar-i meyipa yokba anema nokdakertem samatsütsü asoshi taoba anogo ishika arrtsü nung aliba yimtüsü aika nung bomb pokloktüba sülen refugee tem tali kümogo.

Manipur aser Myanmar ya arrtsü km 398 lir aser Kamjong district kubok Namlee tesem nung border pillar No 90 nungi Sahamphung Block nung BP No 112 tashi arrtsü km 104 lir.

Temetettsü kaji Manipur kubok Tengnoupal district nung arrtsü nung atsü tang tashi matsümai lir.

District nung arrtsü km 16 shi nungbo atsü atsüogo, ta ketcangsürtemi metedaktsü.

Refugee tem ya Kamjong district kubok Phaikoh, Kheronram (Huimin Thana), Namlee, Wanglee, aser Ashang Khullen nung camp balala nung jenoka lir.

**Assam nung osangbener ka aser police ka apu**

Guwahati, Yimpoksü/i

November 30 (Agencies): Assam kubok Guwahati yimtiba nung police officer ka aser osangbener ka ket nungi sen aika ngutetba sülen puogo. Tena ya hawala transactions ken o dak sendakba nung puogo.

Osangbener sang ya Toufique Uddin Ahmed aser police officer ya Bharalu Police Station Sub-Inspector (SI)

Mubarak Ali ta jangjaogo.

Osang ajanga ashiba agi, tang ken o bushisüngdang aliba dak ajemdaker meita aoba mapang aija alirtem ket nungi sen lakh 25 nguteta liasü.

Source-i ashiba agi, Toufique Uddin Ahmed ya Crime Branch-i Brehostibar anepdang Guwahati kubok Garigaon tesem nung pua liasü.

Iba ita tetenzüklen Guwahati maneni bushisüngdangdar.

Manisha Padhi shimogo.

Manisha Padhi ya 2025-batch IAF ketcangsür ka lir.

Bodbarnü Squadron Leader Padhi-i mapa tasen agizük aser iba sülen Raj Bhavan nung officers aser staff den la tejak shiyutepa liasü.

"La shimba ya alizüng ka atongba dang masü saka tetsürtemi tayongzükbatem ajangeta tajungtiba akümba kuli lir" ta Mizoram governor Dr Hari Babu Kambhampati-i ashi.

"Asenoki iba takok tulu atema pelatepdi aser maneni wadang ajak nung tetsürtem tashi itdakstsütsü atema merangtepdi" ta Dr Hari-isä ashi.

Tesüiba nung Squadron Leader Manisha Padhi-i Bidar, Pune aser Bhatinda nung aliba air force stations nung inyakogo.

Department ketcangsürtemi akokba tashi yariteptsü.

Lachung-Yumthang axis nung tourist tem pelashishia agizüker saka tanga tetuyuba ka magütsü tashi Lachen-Gurudongmar point shibangtsü.

North Sikkim nung awatsüng ka nungi tzü talila ayimba ajanga tzümetüsü lendong nung nisung 80 tema asü. Iba lendong nung Lachen aser Lachung jilatem aliba Mangan district nung takoksa tulutiba ajurua liasü.

Manipur aser Myanmar ya arrtsü km 398 lir aser Kamjong district kubok Namlee tesem nung border pillar No 90 nungi Sahamphung Block nung BP No 112 tashi arrtsü km 104 lir.

Temetettsü kaji Manipur kubok Tengnoupal district nung arrtsü nung atsü tang tashi matsümai lir.

District nung arrtsü km 16 shi nungbo atsü atsüogo, ta ketcangsürtemi metedaktsü.

Refugee tem ya Kamjong district kubok Phaikoh, Kheronram (Huimin Thana), Namlee, Wanglee, aser Ashang Khullen nung camp balala nung jenoka lir.

Police-i Athgaon tesem meita aoba mapang nisung ana apu aser tena ket nung sen 1,69,70,000 pua liasü.

Police-i pua aliba sen ya hawala transactions nung shilem ka asütsü ta temulung melemi bilemer.

Guwahati nung hawala racket ken o dak sendakba nung Police-i maneni bushisüngdangdar.



# 24<sup>th</sup> HORNBILL FESTIVAL 2023

1<sup>st</sup> DECEMBER 2023, TIME: 16:00 HRS  
NAGA HERITAGE VILLAGE, KISAMA

CHIEF HOST  
**SHRI.LA GANESAN**  
HON'BLE GOVERNOR.NAGALAND

HOST  
**SHRI.NEIPHIU RIO**  
HON'BLE CHIEF MINISTER.NAGALAND

CO HOST  
**SHRI.TEMJEN IMNA ALONG**  
HON'BLE MINISTER TOURISM  
& HIGHER EDUCATION.NAGALAND

HONOURED GUESTS

I. H.E. MR. ERIC GARCETTI  
AMBASSADOR OF USA TO INDIA

II. H.E. MR. ALEX ELLIS  
BRITISH HIGH COMMISSIONER TO INDIA

III. H.E. DR. VICTOR ECHEVERRI JARAMILLO  
AMBASSADOR OF COLOMBIA TO INDIA

IV. MS. BARBARA VOSS  
GERMAN CONSUL GENERAL, KOLKATA

## Inaugural Function

INVOCATION PRAYER  
MOST REV. DR. JAMES THOPPIL  
BISHOP OF KOHIMA

TRADITIONAL BLESSING  
SHRI. MONTE CHUPA  
CHIEF OF THE VILLAGE, KUKEGWO

WELCOME ADDRESS  
HOST

FELICITATION

FESTIVAL MESSAGE  
CHIEF HOST

GREETINGS  
HONOURED GUESTS

VOTE OF THANKS  
CO-HOST

CALL OF THE HORNBILL BY TASK FORCE FOR MUSIC AND ARTS (TaFMA)

KISAMA WALK - Visit to Bamboo Pavilion & Traditional Morungs  
State Dinner (By Invitation)

## GOVERNOR'S SECRETARIAT

NAGALAND :: KOHIMA

\*\*\*\*\*

:: Dated Kohima the 30th November 2023.

### ADVERTISEMENT

**Sub: Deputation to Governor's Secretariat as Assistant Private Secretary (Steno Grd-II) under Governor's Secretariat on deputation.**

Applications are invited from serving Grade-II or Grade-III stenographers under State/Central Government Departments/PSUs/Autonomous bodies for deputation as Assistant Private Secretary (Steno Grd-II) in the Pay matrix level- 11(40800-129200) under Governor's Secretariat, initially for a period of two years subject to further extension/absorption if found suitable.

A candidate must possess the minimum qualification of a graduate in any discipline from a recognised University OR any equivalent qualification with skills on various computer operating programme.

The service shall be governed under the Nagaland Secretariat (Civil) Stenographers Service Rules, 2015; as amended from time to time. Interested candidates may apply for the post along with NOC from their respective departments/organisations and submit it by hand, addressed to the Secretary to Governor, Raj Bhavan Kohima, Nagaland on or before 15th January, 2024.

Sd/- Rajesh Soundararajan IAS  
Secretary to Governor

## Israel aser Hamas nati anogo tenetnü buba rara anena atatsü molungtep

Tel Aviv, Yimpoksü/Nov. 30 mitkari Brehostibarnü tezungzüktep kubok Hamas-i (Agencies): Israel aser sangdong. Hamas tsüncta anogo tenetnü Hamasa sangdong ka aliba nisung 10 chioker aser iba buba rara anena atatsü nung khen atema züngzüktep melen Palestine nunger molungtepogo ta anatsülen aliba ceasefire atsülangtsü tepuokdak alir nisung 30 nungi iba tezungzüktep molungtepogo ta ashi, koba chioker. Hokulbarnü tenzüka liasü.

Rara anena atatsü asoshi mapang atsülangba ya tajemba agia ghonda 24 atema asütsü. Telok anaprong den tiyongi ia yimjung asoshi jembiba Israel nunger pua alirtem atema rara anena ataba mapang ama iba ceasefire ya maneni alitsü, ta Israel indang atsülang, aser iba (Maneni tapak 8 nung...)

## Menungra Bilemteter



Asür Yashimeren Longsa

Kodanga amatoktsü makokba obala, na sur tanü küm ka abensadang na tasü tait, ochi nung akanga nokdakba aser puti otsü nung walunir ka ama bilemteter. Rongsen jenti alangba hon taribi ajungben tzü agi ponger ao ama sasasüta menungra na ama ano lanur rongnungi jenti adokdakjang ni ta sarasadema amunger.

Chirnur aser Semchirtem.

OFFICE OF THE  
**WAROMUNGTSUR TELONGJEM, KOHIMA**

### TENÜNGSANG AGÜTSÜR

Asür Imnameren Ozüküm aser Mrs. Akanglemla Longchar na jabaso Dr. Limasunep Ozüküm-i Nagaland University kubok Medziphema Campus nung Agricultural Economics department nungi "Non Timber Forest Products in Tribal Livelihood of Eastern Himalayan Region - An Evaluation," topic nung Doctorate ngutetba atema pa dang pelar aser tenüngsang agütsür.

Asen teyanglur Tsüngremi nü taküm arishi talang moajang aser maneni nü wadang nung len aniangma ta asen yimtsürtemi sarasademsür.

Sd/-  
Temjenmongla  
Chairperson, WTTK.

Sd/-  
Imnatola  
Secretary, WTTK.

### ALI TAYOKTSÜ LIR

Lungmen Fellowship (Burma Camp) Sentep ki anasa.  
Total 23,000 sq.ft.  
No Brokers please. Contact. 8118924389

## Donald Trump melentsü atema Koch-i Nikki Haley bhukumer

Washington, Yimpoksü/ Nov. 30 (Agencies): United States nung küm 20 dak tema conservative asoshi inyakyim nung teyari agütsüba network kati 2024 tir election nung tokteptsü merangla Nikki Haley yari tenzükogo.

Donald Trump alemtsü asoshi Republican tem yaritsü atema billionaire Charles Koch indang network yagi sen dollar million aika bendenogo.

Ajisüaka January ita atema candidate shimsü party pur renemteba mapang tang tashi taoba tir ya jenjang tajungba nung lir.

Koch ajanga Haley nem endorsement agütsüba ajanga Republican telok nungi tir asoshi tokteptsüpur yimya melenshitsu.

Taoba mapang South Carolina indang governor inyakla ya tang tashi Trump dang points 50 shi agi tajemba nung lir. Donald Trump tir inyakba mapang Nikki Haley ya United Nations ambassador inyaka liasü.

Ajisüaka TV nung o intepdang junga shilem agiteta aser kera vote agitsüba state tem nungi tawa nüburtem temolung melenshiba ajanga Trump asoshi temelen bushir nem teimla agütsür.

Almai meteta taka-taiter temi Florida Governor Ron DeSantis melen la yaritsü (Maneni tapak 8 nung...)

sangdonga lir. DeSantis ya poll nung tanabuba jenjang nung lir.

Haley ya Washington indang yimsü tamajung melenshidaktsüsü tashi aketba candidate ka lir aser takok angutsüba candidate ka lir, ta Koch network indang political advocacy arm - Americans for Prosperity Action (AFPAction) ajaga Mongulbarnü sangdonga liasü.

General election nung Joe Biden den tokteptsü asoshi Haley-i tajungba inyaker ta internal polling aser voter outreach ajanga sayur ta ashi. Biden ya Democrats nung 2024 nominee asütsü teimla lir.

Züngsem million aika aliba lokti tentet kati yariba atema akhum agütsür, ta Haley-i sangdong ka nung ashi.

"Iba election matongdang ajem-ajema atatsü tasak ta AFP Action züngsemtemi meteta lir. Asenoki kumzüksü linük ka lir, aser asenok den AFP Action adenba atema ni pelar," ta lai ashi.

Ajisüaka Trump campaign ajanga AFP Action ya "China First, America Last movement indang political arm" ka lir ta ashi.

Kecha sen agia Haley-i Trump makoktsü, ta odongtar Steven Cheung-i Mongulbarnü sangdong ka nung ashi.

## 5 Nations Tournament atema Hockey India-i asayartem shimogo

**Yimpoksüi/November 30, 2023 (Agencies):** Hockey India-i Brehostibarnü taruba 5 Nations Tournament Valencia 2023 atema India tebur Hockey team nung asayar 24 tenüng sangdongogo. Iba asayamung ya December 15 nungi 22 tashi Spain kübok Valencia yimti nung asayatsü.

Iba asayamung nung India team hosts Spain, Germany, France aser Belgium den asayatsü, koba 2023-24 FIH Hockey Pro League games atema renemshiba asayamung ka asütsü.

Asayar 24 rongnung asayar tejentem aser lanur asayartem densema lir. Iba team ya drag-flicker Harmanpreet Singh lenisüba nung asayatsü. Iba asayamung atema Sumit aser Amit Rohidas na vice captain asütsü shimogo.

Asayamung atema shimba

goalkeeper tem rongnung Suraj Karkera, PR Sreejesh aser Krishan B Pathak nunger densema lir. Defence ya Captain Harmanpreet Singh lenisüba nung asayatsü aser pa den Jarmanpreet Singh, Jugraj Singh, Amit Rohidas, Varun Kumar, Sumit, Sanjay aser Nilam Sanjeep Xess nungera shimogo.

Midfield nung Vivek Sagar Prasad, Nilakanta Sharma, Rajkumar Pal, Shamsher Singh aser lanur asayar Yashdeep Siwach aser Rabichandra Singh Moirangthem nungera densema lir.

Kasa mapang nung forward nung Mandeep Singh, Abhishek, Sukheet Singh, Lalit Kumar Upadhyay, Karthi Selvam, Dilpreet Singh aser Akashdeep Singh nunger asayaba angutsü.

India tebur Hockey team

shimba dak sendakba nung jembiba mapang Team Chief Coach Craig Fulton-i ashiba agi, "onok team kanga liromedema shimogo, kong asayar tejentem aser lanur asayartem densema lir. Iba asayamung ajanga onok nem asaya yimta balala asayadangtsü aser iba dak ajemdaker team yanglushitsü asoshi maongka agütsür. Iba ajanga lanur asayartem nem parnok sempet sayatsü aser alima nung team tajungtibatem den asayaba mapang tenongshiba koma alir ibaji ajangshitsü asoshi maongka agütsür."

"Taruba ita tenet ya onok atema kanga tongtibang lir. Paris 2024 Olympics masaya tsüngda onok asaya aika nung shilem agütsü lir aser inyakyim ka sülen anidaka jenjang ka nungi ka agütsü kanga tongtibang lir," ta paisa shisem.

(Tapak 1 nungi...)

bushiba khukhua aitsür, ta Mokokchung Town Lanur Telongjem sangdong ka ajanga ashi.

Tzüzung-ozüng agi memelai aser junga mejangjai iba ama ki meita/kaka bushiba mapa Mokokchung jila nung tatok magütsütsü.

Iba ama inyaksangshi ajanga tang benjong mapang nüburtem mulungjang nung tetsübo aitdaktsü, ta MTLT tir Imnaonen Pongan aser tongti zülur Imkongchuba Pongan nati sangdong ajanga ashi.

Telok mesüra lokti tentet kari danga iba maparen nung shilem agia lira, indang-indanga yimjak nung metetdaktsütsü. Mokokchung jila aser temeket nung tapi agi iba ama ki meita bushiba maparen meinyakdaktsütsü aser ketedangsürtem dang tekeraba nung tapet mera agütsü ajungshir, ta MTLT sangdong ajanga ashi.

(Tapak 1 nungi...)

Thurr-i tajungshi o jembi, CMO Wokha, Dr Zuben Kikon-i temeja ken ka aten aser NIDA joint secretary Dr M. Nukshisangla Jamir-i melepüng o jembia liasü.

**Israel aser Hamas nati anogo tenetnü buba rara...** (Tapak 7 nungi...)

Pua alir nisung tenet aser Israel-i tayimtsü amshia amakdang tepsetba nisung asem tasümag agütsütsü aliba Israel-i magizük, ta Hamas-i ashi. Mapang tatsüka lir Israel-i ashiba agi, Hamas-i chioktsüpür nisung tenüngtem melenshiba agütsü aser ibaji ajanga rara anena ataba mapang atsülangtsü asoshi lenmang lapok.

Hamas-i pua aliba tetsür aser tanurtem timba chiokmar asünung telok ana tsüngta jembishinü tasakba akumer ami ajiteter.

Anogo tasen ka atsülangba (ceasefire) ajanga Palestine nunger takum alitsü maongka agütsür. October 7 nü Hamas

## National Boxing Championships: Amit Panghal & Shiva na semi-i iogo

**Yimpoksüi/November 30, 2023 (Agencies):** Tang asaya aliba Men's National Boxing Championships nung Brehostibarnü World Championships runner-up Amit

Panghal (51kg) aser 2021 Asian Champion Sanjeet (92kg) nati maneni kanga junga asaya semifinal tongtetogo. Iba asayamung nung SSCB boxer 12 tashi semifinal-i iogo.

Asian Championships nung medal trokben tashi ngur alisang Shiva Thapa, shiba Assam nungi asayar pa-a semifinal-i iogo.

Panghal aser Jammu and Kashmir nungi asayar Mohammad Aarif na quarter final asaya Panghal-i amokbanger asaya aser unanimous decision agi asaya koka liasü.

Pa semi nung RSPB nungi asayar Ankit den asayatsü.

Sanjeet-a quarter nung 2018 Commonwealth Games bronze

medallist Naman Tanwar den asaya aser pai unanimous decision agi asaya koka liasü. Sanjeet semi nung All India Police's (AIP) nungi asayar Vicky den asayatsü.

Semifinal-i aliba SSCB boxer 10 rongnung Barun Singh (48kg), Pawan (54kg), Sachin (57kg), Akash (60kg), Vanshaj (63.5kg), Rajat (67kg), Akash (71kg), Deepak (75kg), Lakshya (80kg), Jugnoo (86kg) densema lir.

Kasa mapang nung Thapaa Brehostibarnü quarter final asaya nung Delhi nungi asayar Shashank Pradhan 5-0 agi ayong ayonga kokogo.

RSPB nungi asayar Commonwealth Games silver medallist Sagar-ia (92+kg) quarter nung Navjot Singh kokogo. Pa Delhi nungi asayar Vishal Kumar den semifinal asayatsü.

**Donald Trump melentsü...** (Tapak 7 nungi...)

shia liasü.

"Nenok aikati meteta lir, AFP Action-i taoba mapang kodanga tir election nung shilem agia maru, saka asen linük atema chapter tasen zültsü asoshi asenoki tesüba mapang ama malitsüla," ta AFP ajanga ashi.

Ajisüaka Mongulbarnü endorsement nung advertising, advocacy aser vote agütsüretem anir arutsü dena lir, anungji parnoki mapa jenti inyaktettsü.

"Donald Trump aser Joe Biden nati yimtenren tsütsü linük tsünglangleni dang anitsü."

2016 küm US tir election nung Trump toktepba mapang Koch network-i pa mayari.

Trump mapang policy tulu aika nung takok ngua liasü, aser item rongnung tax reform densema lir, saka sorkari senotsü indokba aser shishilempaba tsütsü pa inyakyim aikati maginüi akum.

Republican temi 2024 US tir election asoshi January ita nungi vote agütsü tenzüksü. Aser parnok rongnung takok anguri November ita Biden den tokteptsü akok.

## AKM ketdangsür ki meita bushiba...

Langpangkong Kaketshir Mungdang (LKM) nungi tarakmaket sangpang tetemjen Ao Kaketshir Mungdang (AKM) nung General Secretary nendaka inyakba mapang November 28, 2023 aonung 8:30 ako meta mejangjaba nisung pezü-I (4) tejak nembanger aser hadir (arms) amer arua temeden makai tiyazü kuli agi par kidang yi (Alcohol) rizünga yua lir ta shia ki kaka bushia kidang alirtem amokmerenba osang angashia LKM tip matemer aser iba ama tim masüba aser ozüngi memelaba mapa tamajung inyaker asoshi koba AKM ajanga telemtetba agüja ali, iba nung Langpangkong Kaketshir Mungdang tatem tashi masetshi

Iba tim masüba aser ozüngi memelaba mapa tamajung inyaker asoshi koba AKM ajanga telemtetba agüja ali, iba nung Langpangkong Kaketshir Mungdang tatem tashi masetshi

Anungji AKM sapang nungi ayimzüka yokba ama tekaratiba nung pangdak ozüng amertemi item nisungtemji pua tapet temerenshi agütsütsü akanger, ta LTM tir Marsanen Imsong aser tongti zülur R.Nukshi Longkumer nati sangdong ajanga ashi.

Tasü mait nisung kari tejak zübanger temelaba makai November 28, 2023 aonung AKM ketdangsür ki meita

1:1000 agüja lir, saka Nagaland nung 1:4056 lir, ta pai ashi.

Tarutsü asoshi sorkar dang küm shia medical seats timba akumtsü nüngdaker ta osang agütsüogo aser tang asoshi department nung nübu tali soita ayutsü mechii NIDA ajanga doctor tem indang superannuation age atsülangtsü atema jembir ta ashi.

Terenlok mapa tsütsü medical college meziengbuba lapoka aser class tenzükba atema pai sorkar nem tenüngsang agütsü.

Centrally sponsored health programs tem inyakdang doctor tem indang mapang timba chimar, ta Dr Amer-i ashi.

"Onok mapang timba item project mapang shidak nung renemtsü meranga inyakba nung indoker, anungji state asoshi nüngdakba maparen inyaktsü mapang kanga ajema alir," ta pai ashi.

Iba sentong tenzük Kohima Ao Baptist Argo nung Pastor, Arem Tzudir-i sarasadem, Principal Director, HFW, Dr Ritu

World Health Organization-i doctor-to-population ration ya

Owner, Printer, Publisher and Editor - K. Temjen Jamir, Published from H.No. E/449 Nepali Kashiram, Dimapur- 797112, Nagaland. Phone: (03862) 248129 / 9436002285, e-mail : tiryimyim@gmail.com . Mokokchung Office : MTBA Complex, Phone: (0369) 2226650. Kohima Office: Glass Mart, Opp. War Cemetery, Kohima Contact No. 9436001045. Delhi office- Paschim vihar, ph- 9818655933

**BILEMDANGANG**

"Tamakok ajak nung tangazüksü keta lir."